

## Schlof ei

---

Mädle, komm schlof jetzt ei,  
i woiß, da draußa ischs so kalt  
der Wend rüttelt am Fenschter und wöllt so gern rei;  
Mädle, komm schlof jetzt ei.

S war schö, heut abend mit dir.  
Au bei uns hats donnert und blitzt  
dr Funka isch schprunga zischen ons zwoi,  
Mädle komm schlof jetzt ei.

Jetzt ischs jo au wieder ganz still,  
vorm Fenschter und au bei ons.  
Der Mond guckt a bißle ens Zimmer nei,  
Mädle komm schlof jetzt ei.

Du atmesch ruhiger, i woiß,  
daß die Angscht de els mohl packt,  
Doch horch mohl nach draußa, i glaub sisch  
vorbei,  
Mädle, komm jetzt schlofmer ei.